

SOLO

Afl. 1.25

BRIYANDO FUERTE • TRECIENDO CLARIDAD
DIAMARS 9 APRIL 2024

Di Pueblo

SOLO SALUD

**KICO AVENA A APORTA
NA BO DIETA?
5 BENEFICIO**



WWW.SOLODIPUEBLO.COM



SOLODIPUEBLO@GMAIL.COM

SPEELPLAATS DI COLEGO SAN HOSE NA SANTA CRUZ A WORDO RECAP



E MENASA PA NOS PUEBLO DI PERIODISMO PARTIDARIO Y E EHEMPEL DI E PROGRAMA ENFOKE



MEP LO AUMENTA CASTIGO DI ABUSADORNAN DI CACHO DEN CONCORDANCIA CU HULANDA PA 5 AÑA

Dialuna mainta Parlamentario Setty Christiaans Yarsagaray a informa cu den seno di MEP a tuma e decision pa aumenta e castigo contra abusadornan di cacho.

Actualmente tin un castigo solamente di 6 luna. Na Hulanda recientemente a subi'ele pa 5 aña y esey tambe Fraccion di MEP lo bay traha riba dje, pa aumente pa 5 aña. Esaki pues pe ta den concordancia cu Hulanda.


Pueblo a pidi pa adapta e ley. No por bisa cu no tin ley, pasobra tin ley.

Actualmente e no ta igual cu esun di Hulanda. Pesey mes awor lo bin cu un ley, pa asina aumenta e castigo contra esnan cu comete cualkier abuso, tortura contra cacho. E parlamentario a bisa cu Parlamento no ta duna castigo, sino ta Husticia ta duna castigo. Parlamento ta traha ley, pero esun cu mester aplica e ley ta Husticia. Pues, lo cambia e ley y aumenta e castigo pa 5 aña.

POLIS CU UN INVESTIGACION UNDA A HAYA UN HOMBER DI 48 AÑA SIN BIDA NA UN CAS NA SANTA CRUZ



REALIZA E CAS DI SOÑO CU E CAMPAÑA 'PERFECT PIECES, PERFECT MORTGAGE' DI ARUBA BANK!



Prome Minister Evelyn Wever-Croes:

CREANDO CONSCIENTICACION RIBA E METANAN PA DESAROYO SOSTENIBEL DEN CONSEHO DI MINISTER



- Riba 26 di maart ultimo Consejo di Minister di Aruba a ricibi un presentacion riba e Metanan Mundial pa Desaroyo Sostenibel. Durante di e presentacion, e ministernan a haya un splicacion con a yega na e SDG's, con leu Aruba ta riba e proceso di conscientisacion y kico mas Aruba lo tin di haci pa por alcanza esaki.

E presentacion a wordo duna door di señora Pytrik Dieuwke Oosterhof cu a wordo contrata door di Nacionnan Uni (United Nations). Oosterhof ta un consultant di UN

ECLAC cu a traha un strategia di comunicacion specialmente pa Aruba. Den e strategia di comunicacion a indica cua ta e pasonan pa tuma tanto den gobierno, sector priva, instancianan gubernamental y no gubernamental. Oosterhof a señala cu e unico forma di alcanza e metanan di e SDG ta pa traha hunto pa crea conscientisacion. E interconexion entre e diferente SDG ta loke ta crea e efecto acelerador pa logra e Metanan Mundial pa Desaroyo pa aña 2030. Mas aleu Oosterhof a sigui splica cu Aruba inconscientemente




ta haciendo hopi caba pa logra e metanan aki, pero cu falta di link y comunica riba tur e esfuersonan (maneho, proceduranan, leynan, iniciativanan) na e SDG.

Conseho di Minister di Aruba a keda entusiasma cu e presentacion di e strategia di comunicacion pa crea conscientisacion riba e Metanan Mundial pa Desaroyo Sostenibel di Nacionnan Uni 2030.

Y a compromete nan mes pa implementa e strategia pa asina contribui na conscientisa comunidad tocante e Metanan Mundial pa Desaroyo Sostenibel.

POLIS CU CONTROL DEN TRAFICO RIBA CAMINDA PRINCIPAL NA SAVANETA

Diabierna atardi varios polis a dicidi pa subi caya y tene control den trafico riba e caminda principal na Savaneta y ta parando autonan y controla nan pa tur cos ta na ordo.



SPEELPLAATS DI COLEGO SAN HOSE NA SANTA CRUZ A WORDO RECAP

Diasabra ultimo e speelplaats di Colegio San Hose a haya un recap nobo. Despues di basta aña esaki tabata den condicion deteriora y awor merecidamente a wordo renoba.


Un pabien na e scol y su alumnonan cu awor ta dispone di un scol bunita y agradabel.

Mas cu claro esaki ta fondonan aloca di Gabinete Wever Croes 2, pa renoba speelplaatsnan di varios scol na Aruba.



Minister Ursell Arends:

EXTENSION CONSULTA PUBLICO PA DERECHO DI NATURALES Pueblo por duna nan aporte na e propuesta di e Ley te cu dia 21 di april 2024



Bao liderazgo di Minister Ursell Arends, encarga cu proteccion di naturalesa, a inicia un serie di sesionnan di consulta publico encuan to e introduccion di Derecho di Naturalesa den nos constitucion. E esfuersonan aki ta refleha un paso grandi den e reconocimiento y proteccion di e derecho fundamental di naturalesa

pa existi y prospera.

E sesionnan di consulta a tuma lug a ultimo dos siman cual a inclui participacion di e publico en general, gremionan comercial, abogado, y hues, conhuntamente cu Directie Natuur en Milieu. Durante e sesionnan a discuti cada articulo di e proposicion di ley detayadamente,

colectando e punto di bista y sugerencianan di participantenan. A enfoca riba dialogo abierto y pa asina ricibi feedback constructivo. Minister Arends a pone enfasis ariba e importancia di inclui un variedad di gruponan di interes den e proceso di desaroyo di e ley, asegurando cu e legislacion final ta representativo di e deseo y necesidad di e comunidad di Aruba.

E proceso di consulta ta continua riba plataforma digital. Esnan interesa por lesa e propuesto di ley y comparti nan opinion y sugerencianan pa medio di e formulario online disponibel riba www.publico.aw/consulta/. E feedback di e comunidad lo yuda forma e base pa un ley mas fuerte y efectivo.

Pa fomenta un nivel mas amplio di participacion y transparencia, e deadline pa entrega di feedback a ser extendi te cu dia 21 di april,



dunando e comunidad mas oportunidad pa aporta na e desaroyo legislativo. E fecha di 21 di april ta un dia prome cu e celebracion di dia di mama tera, y ta marca un aña desde cu e iniciativa legislativa aki a ser entrega.

“E iniciativa aki ta mas cu legislacion; e ta un declaracion di nos compromiso colectivo pa

respetar, proteha, y trece naturalesa y desaroyo den balans pa nos Pais,” segun Minister Ursell Arends.

Ministerio di Naturalesa ta compromete pa continua trabou den un forma transparente y colaborativo, y ta agradecido pa e apoyo y contribucion di cada stakeholder y miembro di comunidad.

Prome Minister Evelyn Wever-Croes:

Relaciona cu Luna Nacional Contra Abuso di Mucha ta presenta

CHARLANAN INFORMATIVO: CONSCIENTISACION Y PREVENCIÓN DI ABUSO DI MUCHA

Uniendo na e lucha y conscientisacion mundial di e problema serio di abuso y abuso sexual di mucha, Gabinete Wever-Croes II a decreta luna di April como Luna Nacional Contra Abuso di Mucha. Ya durante e siman tras di luna, a tuma nota di movecionnan di diferente instancianan riba e tema aki. Prome Minister Evelyn Wever-Croes, den nomber di Gobierno di Aruba ta pidi tur ciudadano pa sigui compromete nan mes y uni den e lucha pa proteha nos muchanan, percurando asina pa nada malo pasa nan y ofrece nan tur clase di amor y cariño pa asina nan por crece feliz y bira adultonan cu por carga e pais aki.

Relaciona cu Luna Nacional Contra Abuso di Mucha, luna di conscientisacion,

Fundacion Mi Voz ta bo Voz, Comision Nacional di Abuso Sexual di Mucha y Gobierno di Aruba ta presenta charlanan informativo: Conscientisacion y Prevencion di Abuso di Mucha. E anochinan informativo aki lo cuminsa di 7or PM y termina pa 9or PM y lo tuma lugar riba e siguiente fecha y localidadnan di MFA durante luna di april.

-Diahuebs 11 di april, MFA Noord.

-Diahuebs 18 di april, MFA Paradera.

-Diahuebs 25 di april, MFA Savaneta.

-Diamars 30 di april, MFA Santa Cruz.

E oradornan cu lo brinda informacion e anochinan di charla ta profesionalnan na Aruba cu ta trahando

cu y tratando casonan di abuso di menor den nan diferente areanan di trabou. E oradornan ta: Drs. Melva Croes-Yanez, NeuroPsycoloog; Dr. Audrey Khan, Klinische Psycoloog; Sra. Magali Maduro, Directora Bureau Sostenemi. Sra. Omaira Britten, Poeta.

E anochinan informativo aki lo brinda informacionnan clave riba con pa reconoce e señalnan di abuso sexual di muchanan; e impacto riba e victima y famianan; y con cada ciudadano por hunga su parti den prevencion y intervencion. Partisipando den e eventonan aki, bo no solamente ta habilita bo mes cu conocimiento riba e tema aki, pero tambe bo ta contribui na un cultura di conscientisacion y proteccion contra abuso



sexual di muchanan. Huntu, laga nos uni forsa den nos compromiso pa proteha e bienestar y dignidad di cada mucha na Aruba.

“Ban uni den e iniciativa vital aki pa aumenta conscientisacion y combati e problema alarmante di abuso sexual di muchanan. Cada mucha merece un ambiente sigur y cuido, liber di e menasa di abuso y explotacion.

Desafortunadamente, abuso sexual di muchanan ta keda un problema persistente mundialmente, incluso den nos mesun comunidad y hogarnan na Aruba.

Ta esencial cu nos uni nos forsa pa educa nos mes, proteha nos muchanan, y traha pa crea un futuro mas sigur pa nan”, Prome Minister Evelyn Wever-Croes a expresa.

POLIS A DETENE CHAUFFEUR CU TABATA CORE AUTO TA SWING DI BANDA PA BANDA

Diadomingo merdia a drenta informe di cu tin un auto riba Green Corridor coriendo malo ta swing di banda pa banda bayendo pabao for di Pos Chikito, mesora a alerta patruyanan cerca pa bay intercepte prome cu e causa un accidente. Na altura di rotonde Ser'i Teishi polis a intercepte y a par'e.

Polis a nota cu e chauffeur tabata pata pata y a detene den e auto tabata tin un pasahero cu tambe tabata bebi y polis a lag'e cana bay pero un bon samaritano a haya duele di dje y a ofrese un lift pa su cas. E chauffeur mes a ser hiba warda di polis. Na warda di polis e chauffeur a bira malo y a yama ambulans p'e.



Minister Geoffrey Wever: PARLAMENTO DI ARUBA A RICIBI PRESENTACION RIBA E KOOPKRACHTMODEL PA ARUBA



Awe 8 di april riba peticion di Minister Geoffrey Wever, Parlamento di Aruba a ricibi un presentacion for di Economisch Bureau Amsterdam cual a elabora riba e proceso pa traha un modelo di poder di compra ("koopkrachtmodel") pa Aruba. Un "koopkrachtmodel" ta un instrumento necesario cual ta midi e posibel impacto di cambio di maneho di Gobierno riba e poder di compra di hogarnan na Aruba. Pais Aruba pa añanan largo no ta dispone di un modelo importante asina.

Durante tratamiento di begroting 2024 di Ministerio di

Asuntonan Economico, Comunicacion y Desaroyo Sostenibel den december 2023, Minister Geoffrey Wever a elabora riba e necesidad grandi pa un "koopkrachtmodel". Basa riba e necesidad y peticion di Minister Geoffrey Wever, Consejo di Ministerraad riba 12 di januari 2024 a duna aprobacion pa inicia e proceso pa traha un "koopkrachtmodel" pa Aruba. Minister Geoffrey Wever a aloca e fondonan necesario di su begroting pa por traha e "koopkrachtmodel".

Pa haci proyeccion di desaroyo di nos economia Departamento di

Asuntonan Economico, Comercio y Industria ta haci uzo di modelo macro-economico MARUBA. Pero e modelo MARUBA ta limita solamente na maneho actual, y no ta posibel pa midi e impacto di cambio di maneho di Gobierno riba e poder di compra di hogarnan na Aruba.

Un meta importante di maneho economico ta pa mehora e poder di compra di tur ciudadano. Pa logra e mehoracion di poder di compra ta necesario pa tin un instrumento manera e "koopkrachtmodel" cu por midi e efecto di cambio di maneho di Gobierno, y a base di esaki por entre otro ilustra unda mester bin adaptacion prome cu implementacion di esaki. Como instrumento, e "koopkrachtmodel" lo contribui pa implementa maneho cu ta beneficia e poder di compra di hogarnan na Aruba.

Traha un

"koopkrachtmodel" ta rekiri haci e inversion necesario pa asina Pais Aruba por dispone di un instrumento importante pa traha y implementa maneho cu e fin di mehora poder di compra na Aruba.

P'esey ta na su lugar pa Parlamento di Aruba ta debidamente informa riba e importancia di inverti den traha un koopkrachtmodel y riba e proceso pa yega na esaki, segun minister Geoffrey Wever.

Clasificados

SOLODIPUEBLO@GMAIL.COM
CEL. 585 9500

SOLO De Pueblo

ARMONIA
Y BELLEZA SALON & SPA

SERVICES

- Massage therapies
- Facial treatment
- Hair style
- Pedicure & manicure treatment
- Makeup & waxing

For More Details:
 ☎ # 5684142 (WhatsApp)
 ✉ armoniaybellezasalonspa@gmail.com
 📍 Shiribana 12 b, Aruba

Minister Endy Croes:

PROYECTO MUSEO BETICO CROES TA AVANSANDO



: Siman pasa, Minister Endy Croes a reuni cu e comision cu ta trahando duro pa por logra cristalisa Museo Betico Croes na retonde di Santa Cruz. E comision ta consisti di differentestakeholder, entre otro, arkitekto, expertonan di museo y miembronan di e comision. Manera


ta conoci, Minister Endy Croes ta trek e proyecto aki den nomber di Gobierno di Aruba. Minister Endy Croes a indica cu tin avancen positivo y e plan ta basta concreto. “Nos ta mira adelantonan gigantesco pa e proyecto aki”, Minister Endy Croes a indica. E animo di e

comision ta halto y ta premira cu e lo bira un proyecto espectacular. Ta premira cu pronto lo finalisa e prome fase y den aña 2024 lo pone e prome piedra. Den e simannan nos dilanti lo sigui brinda Pueblo di Aruba mas informacion di e bunita proyecto aki.

KIMAMENTO DI KOPER A PONE HENDE KERE CU ALL TO CAR TABATA NA CANDELA



Diadomingo atardi a drenta informe di cu lo tin un candela den All To Car na L.G. Smith Blvd., mesora a dirigi tanto polis como bombero na e sitio. Na nan yegada no a mira e huma pero si a sinti e holo di e huma. Ora a drenta paden a bin resulta cu aki tabata trata di cu




hendenan cu tabata patras tabata kima koper den un

garetia patras di e lugar.



REALIZA E CAS DI SOÑO CU E CAMPAÑA 'PERFECT PIECES, PERFECT MORTGAGE' DI ARUBA BANK!



Oranjestad, 8 di April, 2024 – Realiza bo cas cu e campaña 'Perfect Pieces, Perfect Mortgage' di Aruba Bank. E campaña aki ta diseña, pa e cliente cu kier cumpra, construi, of refinancia su cas. Sea bo kier realiza bo prome cas, of ta desea di “upgrade” bo cas existente, nos Mortgage Advisors ta cla pa guia e cliente, paso pa paso, den cada fase di e proceso.

Sra. Lizani Wever, Manager Retail Sales and Services, ta comparti, "Nos campaña “Perfect Pieces, Perfect Mortgage” ta diseña pa haci bo propio cas un realidad. Nos ta ofrece tarificanan competitivo, financiamiento cu ta fit cu e

situacion di cada persona, e opcion di cumpra awor y cuminsa paga despues di 6 luna, y financiamiento cu por bai te cu 30 aña. Aplica awe mes riba www.arubabank.com/perfectmortgage, y explora tur beneficio y tuma e prome paso pa realiza e cas di bo soño.”

Tambe, e campaña di “Perfect Pieces, Perfect Mortgage”, ta ofrece e cliente oportunidad pa gana CASH PRIZES: Probeca di e oferta special aki cu ta valido te cu dia 30 di juni, 2024. Pues, tur aplicante desde awe te cu dia 30 di juni, 2024, ta participa pa gana! Lo reparti un total di 30 mil florin den premio. E premio mayor lo ta AWG. 15,000, segundo premio lo ta AWG 10,000 y lo saca 5 ganador tambe di cada un AWG 1,000.- CASH.

Bo tin plan pa refinancia bo cas existente? Pa cliente existente tin e opcion di cumpra awor y cuminsa paga despues di 3 luna. Pa aplicante cu ta desea

di refinancia un suma di AWG. 50,000 of mas, tambe ta participa pa gana un di e premionan si aplica prome cu dia 30 di juni, 2024.

Pa aplica ta facil, simplemente, traha bo cita via nos E-Appointment. Bishita www.arubabank.com/perfectmortgage y scoge e fecha di bo preferencia. Especialmente pa e promocion aki, tambe ta brinda oportunidad pa traha cita ariba diasabra, 20 di april y 4 di mei, 2024, for di 9 AM pa 1 PM na nos sucursal na Camacuri.

Sigi nos host, Larissa Bermudez, y su entrevistanan cu nos Mortgage Advisors, y ricibi recomendacion y consejo pa abo tambe por logra bo propio cas. Tur cos ta cuminsa asina bo registra aki: www.arubabank.com/perfectmortgage. Aruba Bank ta compromete na yuda bo tuma e mihor desicionnan pa bo bira e doño di bo propio cas. Registra awe mes y descubri con Aruba



Bank por yuda bo pone e asina abo por logra ta doño “perfect pieces” hunto, pa di bo propio hogar.

POLIS CU UN INVESTIGACION UNDA A HAYA UN HOMBER DI 48 AÑA SIN BIDA NA UN CAS NA SANTA CRUZ

Diadomingo merdia a drenta informe di cu tin un persona cu no ta duna señal di bida na un cas na Santa Cruz, mesora tanto polis como ambulans a bay na e sitio.

Na yegada di polis y ambulans a haya un hende homber di 48 aña sin bida, a solicita tur autoridad competente pa bini na e sitio. Na famia di e fayecido ta bay nos mas sincero palabranan di profundo condolencia.



MINISTER GEOFFREY WEVER: A LANSA E WEBSITE ARUBA SHOWCASE PA PRODUCTIONAN LOCAL



Fin di Maart den un ambiente ameno na Sun Plaza Minister di Asuntonan Economico, Comunicacion y Desaroyo Sostenibel Geoffrey Wever hunto cu DEACI y Expodesk a lansa e webpage yama Aruba Showcase (<https://www.exprodesk.com/showcase-products/>). Un pagina especialmente pa nos entrepreneurs local. Riba

e pagina aki productornan local tin e oportunidad di por showcase nan productonan pa por exporta esaki.

Durante e evento tabata tin diferente stands cu producto nan local pa admira cu ja caba ta obtinibel riba nos mercado local manera Choclati, Pica, Biña, Souvenirs, Arte y mucho mas. Esaki

ta un muestra cu nos tin diferente hende local cu ta produci productonan localmente.

“Mi ta contento di por mira diferente entrepreneurs local cu nan productonan para aki awe”, Minister Wever a cuminsa ta bisa, “Cu e website aki nos kier crea un plataforma unda tur esnan cu tin un producto produci aki na Aruba por showcase nan producto.”

E plataforma aki tambe ta parti di e vision di Minister Wever pa duna nos entrepreneurs local e sosten y tools necesario pa ta mas exitoso posibel.

Minister Wever a termina ta gradici e team di DEACI y Expodesk pa e tremendo trabow desplega.


Minister Wever kier a encurasa tur esnan cu tin un producto pa tuma contacto cu Expodesk pa asina nan tambe por show case nan producto riba e Plataforma nobo aki completamente gratis.

#GeoffreyWever



CHAUFFEUR DI PICK-UP A BIRA DILANTI MOTOCICLISTA Y E CHAUFFEUR A BISA E NO A WAK E!

Diabierna anochi a drenta informe di un accidente cu hende herida dilanti Seaport Cinemas, mesora a dirigi tanto polis como ambulans na e sitio. Na yegada di e patrulla a bin compronde cu aki ta trata di un accidente unda e chauffeur di un pick-up biniendo di pariba a bay bira na man robes pero e chauffeur lo no a mira e brommer y esaki a bin dal riba dje y e motociclista a resulta herida. Pero e motociclista no tabata desea atencion medico di ambulans maske cu e tabata tin dolor na su man y na su pia pero a bisa di cu e mes lo bay hospital si mester.



Minister Endy Croes:

A RICIBI SELECCION DI ARUBA CU A CONKISTA 54 MEDAYA DEN CARIFTA AQUATICS CHAMPIONSHIP 2024



Diabierna atardi den un esfera ameno, Minister Endy Croes a ricibi nos Seleccion di Landamento y Seleccion di Landamento Artistico den e VIP room di Aeropuerto Internacional Reina

Beatrix. Manera ta conoci, siman pasa nos atletanan a competi den Carifta Aquatics Championships 2024 cu a tuma luga na Nassau, Bahamas y Fort Lauderdale, Florida. Carifta ta e competencia di

e mihonan di Caribe. E aña aki alrededor di 400 atleta di 21 pais a participa. Famia y amistad tabata ansioso sperando e yegada di nos atletanan.

E hobennan a konkista un total di 54 medaya den dos diferente disciplina acuatico: landamento y landamento artistico.

Den e disciplina di landamento a logra 30 medaya y landamento artistico 24 medaya. Pais Aruba a keda na di 7 luga den 21 pais.

Den nomber di Gobierno di Aruba, Minister Endy Croes a felicita e atletanan cu nan excelente prestacion den Carifta.

Alabes, a gradici e atletanan pa carga nomber di Aruba y laga nos pais briya riba plataforma internacional. Minister Endy Croes ta gradici y felicita directiva di AAF, staf di coach y mayornan pa nan tremendo guia, sosten y apoyo na nos atletanan pa nan por a logra e exito aki. “Di curason masha pabien”, Minister Endy Croes a expresa. Cu deseo,



disciplina, dedicacion y determinacion boso a logra. Aruba ta orguyoso di boso!



EMAN TA INSISTI CU LO AUMENTA PENSIOEN CU 50%



Awor, despues di tanto advertencia, tanto preuba cu e medidanan di gabinete Wever-Croes I y II ta causa pobresa grandi, despues di tanto preuba cu gobierno ta haya mas

cu 500 miyon florin extra den caha, ainda MEP y RAIZ ta sigui nenga pueblo sikiera un alivio. Asina e lider di oposicion mr. Mike Eman a declara despues cu a scucha Min-

ister Dangui Oduber y miembronan di Parlamento di MEP bisa cu e aumento di pensioen cu 50% lo no ta posibel.

REPARATIE TOESLAG LO BIRA E INSTRUMENTO CRUCIAL PA REALISA AUMENTO

E reparatietoelag cu nos a introduci lo ta e vehiculo primordial pa nos por bai alcansa e aumento di pensioen di nos grandinan, e lider di AVP, mr. Mike Eman a splica. Gabinete Wever-Croes ta ricibiendo 500 miyon mas na entrada na 2023 compara cu Gabinete Mike Eman na 2017. Esaki ta duna nos espacio

financiero cu prioridadnan corecto pa percura pa e placa di pueblo yega serca esnan cu mas mester di dje, Eman ta invatista. Durante e periodo di Gobernacion di Gabinete Mike Eman I y II a utiliza e instrumento di reparatietoelag pa pone un suma riba salario minimo, pensioen y bijstand. “E suma aki cu ta sali for di presupuesto di gobierno mes ta esun cu nos ta bai aumenta substancialmente pa alcansa e 50% di aumento”, Eman ta splica.

RAPPORT DI BONEIRO TA EHEMPEL

Eman ta haci referencia na e rapport di Boneiro, “Een Waardig Bestaan, Een sociaal minimum dat voorziet in toenemend perspectief op zelfredzaamheid”. Den e rapport aki ta muestra riba e mesun argumento cu Eman ta mantene. Mester lucha pa e pensioen por cubri e “sociaal minimum”. Mescos cu na Aruba, e rapport di Bonei-

ro ta constata cu e entrada di un pensionado, of empleado cu salario mínimo of bijstand ta demasiado abao compara cu e “bestaansminimum”. Pesey nan ta propone, den e rapport di Boneiro pa e pensioen ta na e nivel di e “sociaal minimum”. Na Boneiro esaki kiermen cu e pensioen di un soltero mester bira, den un di nan scenarionan calcula, US\$ 1400,== cu ta Afl. 2450,==. Esaki ta dobel di locual un soltero pensionado na Aruba ta haya. Na Boneiro e aumento ta worde propone pa bini voor di un “opslag” voor di caha di gobierno. Eman ta muestra cu e mesun argumentonan di e rapport di Boneiro ta conta na Aruba y serca nos tin e reparatietoelag caba cu nos por aumenta considerablemente pa yega na e aumento di pensioen cu 50%. Cu e rapport di Boneiro den man Eman ta kere cu tin e argumentonan y methodo pa realisa e aumento di 50% pa nos pensionadonan.

POLIS A DUNA HOBEN CU UNICAMENTE UN JOCKEY BISTI Y UN SERBETE LORA ROND CU CORTA NA SU MAN UN LIFT PA BABIJN



Diadomingo madruga a drenta informe di cu tin un hulandes europeo

canando cu unicamente un jockey bisti cu serbete lora rond y cu un corta na

su man banda di e hotelnan na Palm Beach, mesora a dirigi patruya na e



sitio. Na yegada di e patruya banda di Divi phoenix ey nan a bin topa cu e perso-

na manera describi polis a want'e y a papia cun'e y a dune un lift pa su cas na Babijn.

Interlandelijke Taskforce Kinderrechten viert 10-jarig jubileum met werkconferentie



Onderschrift: leden van de Taskforce

Kralendijk – De Interlandelijke Taskforce Kinderrechten viert dit jaar zijn 10-jarig bestaan met een werkconferentie. De bijeenkomst, van 13 tot en met 16 mei op Bonaire, zal dienen als een moment van reflectie op de behaalde resultaten en om een blik te werpen op de doelstellingen van de Taskforce. Belangrijk element hierbij is het gezamenlijk uitwerken van het strategisch kader. De focus van de conferentie zal liggen op de actieplannen van en samenwerkingsovereenkomsten tussen de zes eilanden met als basis de strategie voor de periode 2023-2028. Hierin zijn de strategische doelstellingen uitgewerkt aan de hand van de speerpunten zoals uiteengezet

in het Memorandum van Overeenstemming (MoU) ondertekend door de landen en openbare lichamen in oktober 2023 op Curaçao. Het MoU markeert een verlenging van het eerste MoU, dat in 2018 werd ondertekend. Gedurende de afgelopen 10 jaar heeft de Interlandelijke Taskforce Kinderrechten verschillende concrete resultaten bereikt op de zes eilanden in het Caribische deel van het Koninkrijk. Enkele voorbeelden hiervan zijn: het ondertekenen van het convenant voor de uitvoering van een strategisch plan dat samenwerking bevordert en uitgevoerd wordt middels het Centrum Jeugd en Gezin op Aruba. De actieve participatie van jongeren in de totstand-

koming van het nieuwe jeugdbeleid van Bonaire, de instelling van een jongerenplatform op Curaçao, de lancering van de Kindertelefoon op Saba, de introductie van een opvoedwinkel op St. Eustatius en de ontwikkeling van een opvoedprogramma op St. Maarten. Over de taskforce De geschiedenis van de Interlandelijke Taskforce Kinderrechten gaat terug tot de Koninkrijksconferentie van 2 april 2014 te Aruba. Tijdens deze conferentie onderschreven de politieke gezagdragers dat elk kind in het Koninkrijk recht heeft op een goede jeugd. Dit staat in het Internationaal Verdrag inzake de Rechten van

het Kind (IVRK). De Koninkrijksconferentie leidde tot de instelling van de Interlandelijke Taskforce Kinderrechten met als doel de samenwerking in het Koninkrijk ten aanzien van de kinderrechten te stimuleren en de implementatie van de rechten van het kind in het Caribische deel van het Koninkrijk te

verbeteren. De Taskforce bestaat uit vertegenwoordigers van jeugd en gezin van Aruba, Bonaire, Curaçao, Saba, St. Eustatius, St. Maarten, en vertegenwoordigers van de ministeries van Binnenlandse Zaken en Koninkrijksrelaties (BZK) en Volksgezondheid, Welzijn en Sport (VWS). UNICEF Nederland is de adviseur van de Taskforce.

Clasificados

CLASSIFIEDS

SOLODIPUEBLO@GMAIL.COM
CEL. 585 9500

MARAVILLAS DE LA FE

Salud
Suerte - Amor

Aruba: 748-5671
Cartas di tarot

Bo ta sufrí di un malestar cu bo no por cura?
Bo ta víctima di bruheria?
Bo plaka no ya jega?
Bo cumpra number nan y bo no ta gana?
Bo ta bal casino y no puede tur bo plaka?
Bo tin problema nan di amor?
Bo pareja ta gañabo?
Fracaso, Soledad, Malesanan angustia, Mala suerte
Comunica na 748 5671

HOOI FRESCO

A YEGA PA ALF 39,- SO!!!

TEL: 5941317

ADDRESS: THE GOLD MINE
RANCH (MATIVIDIRI 60)

Den un ehempel di union comunitario

Partido AVP mes mester a drecha Parke di Lago Heights



Simannan despues di a duna Gabinete Wever-Croes e oportunidad di haci algo pa comunidad di Esso Heights y bisindario, diadomingo ultimo a toca

na e propio miembro, candidato y parlamentario di Partido di Pueblo Arubano AVP pa lora manga un biaha mas y tuma accion. Ta trata di e parke na subi-

da di Lago Heights cu ta den asina un situacion di abandono, cu e hekinan di hero a frustia te cu bin abou. Poniendo schoudernan



hunto, AVP a uni forsa cu ciudadano di San Nicolas pa haci varios reparacion na e parke pa elimina asina e peliger cu e falta di mantencion ta crea pa su usarionan. E accion tabata lidera pa activista y prospecto pa candidato, Terrence Ras, kende ta un empresario local y a indica cu e trabounan cu a realisa ayera

ta muestra cu AVP no solamente tin un vision di innovacion pa Aruba, pero tambe ta un organizacion cu sa con pa kita bachi y traha na favor di nos pais; sea den proyecto chikito of grandi. Ras ta spera cu e ehempel aki ta uno cu hobennan y henter comunidad por tuma, esta di uni forsa y ban traha hunto.

Polis a bay cu urgencia pa un pelea feros entre 2 muhe na Hooiberg



Diadomingo mainta a drenta informe di cu tin un pelea feros entre 2 muhe na Hooiberg, mesora a dirigi patruyanan na e sitio. Na yegada di e patruyanan a bin resulta cu aki ta trata di un pelea entre mama cu su yiu muhe grandi caba. Unda e mama no kier pa su yiu pidi placa riba caya. Polis a bay cu ambos na warda pa asina papia den tur tranquilidad.

PUEBLO A HAÑA SU PEN BEK

Pa kualkier informacion
solodipueblo@gmail.com
of
585-9500

E menasa pa nos pueblo di periodismo partidario y e ehempel di e programa Enfoke



Apreciabel señor Paskel,

Banda di 24ora y Enfoke, Edmond Croes ta keda chikito ora ta trata di bin cu storia sensacional, e scandalonan di mas grandi, crimennan impactante, redo y otro temanan cu ta mishi cu emocion. Abo cu Speed ta provocativo, pret, humoristico y ta papia “caya”. Pero, a pesar di boso pretencion di ta trece informacion veridico y imparcial, boso ta hopi leu ainda di periodismo di calidad y ainda mas leu di e principionan di e “Global Charter of Ethics for Journalists”.

Boso reportahenan troci ta causando cu awe hopi hende no sa cu Paul Croes ta cera pa motibo di corrupcion y en particular soborno. Pa motibo di boso desinformacion hopi hende no sa cu Benny Sevinger su sentencia di dia 14 di april 2023 tambe ta encera corrupcion den forma di soborno. Bo no por comete soborno si no tin un funcion involvi.

Clasificados

SOLODIPUEBLO@GMAIL.COM
CEL.585 9500

Pero danki na boso campaña di engaño awe hende cu ta suppose di sa miho, manera Duke Croes, ta kere cu e sentencianan di Paul y Benny solamente tin di haber cu algo chikito den cuadro di e fundacionnan pa nan campaña. Hopi hende ni sikiera sa cu ta trata di malversacion.

Caramba Patrick, bo ta suppose di sa cu periodismo sensacionalista partidario ta un peliger pa nos democracia y nos estado di derecho. Nos leynan y sistema hudicial ta esencial pa un sociedad stabil. Sin embargo, abo y Speed ta uza boso plataforma pa erosiona e confianza di pueblo den nos institucionnan hudicial.

Pa colmo Patrick, bo ta gaña pueblo cu loke bo ta bisa, bo ta bisa cu prueba. Haci loke bo ta bisa y no manera bo a bin ta haci durante Enfoke. Un ehempel ta e programa di dia 4 di april 2024 ora bo persona a declara cu e condenanan di Paul y Benny solamente tin di haber cu nan fundacionnan di campaña. Esey ta un mentira y bo sa. Djis lesa nan sentencia bek pa bo comproba cu ta trata di corrupcion y soborno (ECLI:NL:HR:2023:167 y ECLI:NL:OGEEA:2023:7).

Loke ta mas condenabel ta cu di e forma aki abo hunto cu Speed a bira boca y microfon pa Mike Eman cu ta encabesando un campaña di mentira. Boso a bira complice di e indiferencia total di AVP pa cu e bienestar di un pueblo cu tin mester di leynan y un sistema hudicial pa tin futuro.

E no ta duna boso berguensa cu boso ta bezig cu periodismo irresponsabel cu ta buscando voto pa AVP, manipulando informacion pa logra control psicologico di pueblo? Pa colmo boso ta trigger emocion pa hende no activa nan mesun pensamiento critico. Periodismo responsabel ta rekeri verificacion di informacion, specialmente encuanto temanan delicado. Ofrece un variedad di perspectiva tambe ta crucial. Boso

gran audiencia ta confia cu boso informacion ta por lo menos un tiki fiel y berdadero, pa asina nan por tuma nan decisionnan informa. Pakico mi mester recorda boso cu algun siman pasa caba boso tabata pushando Gerlien Croes, dunando splicacion erroneo encuanto nosCodigo di Procedimiento Penal Nobo? Si boso a prepara boso programa na drechi, boso por a haci pregunta serio na Gerlien, en bes di haci e blunder di dun’e plataforma comosifuera cu e ta un gran experto den ley y derecho humano.

Boso por miho. Boso por eleva e nivel di periodismo si di buena fe boso cuminsa duna prioridad na e verificacion di informacion, prome cu boso ta bisa of publica algo. Esey ta encera cuestiona Mike Eman of cualkier otro politico cu preguntanan skerpi, pa

asina pone e berdad riba un pedestal. Periodismo di calidad tambe ta encera presenta un gama mas amplio di perspectivanan riba temanan manera esun di e sistema hudicial di Aruba. Asina e ciudadano mes por tuma su conclusion. Periodismo di calidad no por ta complice di un campana politico cu di mala fe kier debilita nos Ministerio Publico y cu ta obstaculisa cu politiconan ta duna cuenta na husticia. Prensa, incluyendo 24ora, tin un responsabilidad grandi pa fortalece nos democracia. Ley ta un expresion di e bos di pueblo. Tur politico mester respet’e. Ministerio Publico mester investiga su cumplimiento y hues mester castiga esun cu ta viol’e.

Atentamente,
Rycond do Nascimento.

Paardenbaaistraat 10, Oranjestad, Aruba Tel.: (297) 525 - 7555
www.lottoaruba.com
Resultado : Sorteo 8 April 2024 Merdia

 Sorteo # 4232 5884 6226 7268 X2 Sorteo # 4232 9219 X3 Sorteo # 2288 4298 Sorteo # 4232 5763 Sagitario Sorteo # 1106 231 X3	 Sorteo # 0 x Jackpot 0 x Match 4+ 0 x Match 4 0 x Afl. 12,00 Joker Letter Proximo Jackpot 190.000,-	 Sorteo # 0 x Jackpot 0 x Match 4 0 x Afl 8,00 Proximo Jackpot 50.000,-	 Sorteo # 0 x Jackpot 0 x match 4 0 x Afl. 500,00 0 x Afl 50,00 0 x Afl.15,00 Mega Ball Proximo Jackpot 340.000,-	 Afl. 440.000,-	 Sorteo #
--------------------------------------------------------------------------------------------------------------------------------------------------------------------------------------------------------------------------------------------------------------------------------------	-------------------------------------------------------------------------------------------------------------------------------------	--------------------------------------------------------------------------------------------------	-----------------------------------------------------------------------------------------------------------------------------------------------------	---------------------------	------------------

OCA- Resultado Amazonas Valida Equitacion Pereira



Den weekend tras di lomba, 4 Amazona di Aruba a competi den e Valida Internacional na Pereira, Colombia.

Ariba Diasabra Emilie Lomans y Zaria de Groot a competi den e categoria di Amazonas Infantil 9-11 anja. Aunke tur dos a hasi bon presentacion, no a logra clasifica entre e grupo di 25 amazonas. Pa Zaria de Groot esaki tabata su prome experiencia Internacional. Mas anochi, Genesis Pietersz a logra keda cu un cuarto puesto den categoria di Amazonas Aficionada 18-20 anja. Genesis a competi riba e cabay Tesoro de Villa Floralina di Criadero Floralina di Aruba.

Diadomingo Courtney Irausquin a logra drenta top 8, pero no a logra keda cu un puesto den e resultado final den e categoria di Amazonas Juvenil 15-17 anja. Un pabien na tur pa un bunita representacion di Aruba na Colombia.



Sudoku

8								
		3	6					
	7			9		2		
	5				7			
				4	5	7		
			1				3	
		1					6	8
		8	5				1	
	9					4		

		8		3		5	4	
3			4		7	9		
4	1				8			2
	4	3	5		2		6	
5								8
	6		3		9	4	1	
1			8				2	7
		5	6		3			4
	2	9		7		8		

SOLO SALUD

Kico avena a aporta na bo dieta? 5 beneficio

Cada dia e consumo diario di e cereal aki ta mas extendi den e dieta di mas hende. Y no ta pa menos, pues for di e momento unda cu bo ta conoce loke e avena ta aporta na bo dieta, bo no por stop di incluy'e den diverso plato. Especialmente den bo desayunonan, lunch, y hasta como snack saludabel pa por munch riba dje entre ora.

Den e articulo aki nos ta papiabo riba e beneficianan cu avena por aporta na bo dieta, ademas di ideanan creativo pa consumi'e.

Descubri loke tur loke bo mester sa riba e cereal aki.

Pakico avena ta asina saludabel?

Avena ta un alimento versatil y hopi saludabel. Ideal pa uza como ingrediente, base of como complemento den cualkier tipo di receta, loke ta permiti nos beneficia di su propiedadnan nutricional y duna un toque diferente na nos platonan.

Avena ta wordo caracteriza pa ta rico den fibra y carbohidratanan compleho, lo cual ta mehora e absorcion di glucose y tin un efecto saciante, entre otro beneficianan.

Su base ta compone hidratanan di carbon compleho, cu ta aporta energia progresivamente y durante mas tempo cu esunnan simpel.

Tambe ta rico den proteina y vetnan cu ta contene ta, den su mayor parti, insatura es decir, ta contene vetnan saludabel. Ta aporta un contenido



halto den fibra (9g/100 g) cu, hunto cu e resto di nutrientenan cu e ta compone, por yuda preveni alteracionnan manera barica cera, diabetes of sobrepeso, ademas di yuda reduci colesterol den sanger.

5 beneficio cu avena ta aporta na bo salud

1. Ta yudabo reduci colesterol

Debina e caracteristicanan fisico-kimico di e beta-glucano, ta kere cu e avena por contribui na disminui e cifranan di colesterol sanguineo, como tambe controla e glucose plasmatico postprandial y e respuesta insulinico.

Numeroso estudio ta señala cu e consumo di 3g/dia di beta-glucano di forma regular, como parti di un dieta cu un contenido abao den vet satura y colesterol, por contribui na disminui e riesgo di enfermedad coronario, manera cu diverso agencianan regulador ta señala, como e Agencia Europeo di Seguridad Alimentario.

2. Antioxidante cu aventa aporta

Aventa ta conta cu polifenolnan

practicamente exclusivo di e cereal aki, conoci como avenatrmiida.

Dankinae antioxidantenan aki, no solamente lo bo logra combati oxidacion celular, sino cu ademas ta encarga di regula e presion di sanger, permitiendole dilatacion di e vasonan sanguineo y logrando un efecto antiinflamatorio.

3. Ta yuda e sistema nervioso y wesonan

Danki na su aporte vitaminico y mineral manera calcium, e consumo di avena ta relaciona cu un menor incidencia di osteoporosis.

Danki na vitamina di B Complex cu e aventa a aporta na dje, ta desaroya, mantene y equilibra e funcionamiento di e sistema nervioso. Encuanto weso, ta conta cu un gran cantidad di calcium cu ta yuda evita e desmineralisacion di e wesonan y por tanto, ta preveni osteoporosis.

4. Prevencion di enfermedadnan cu avena ta aporta na dje

E consumo di avena ta preveni hipotiroidismo, ya cu e ta contene iodium, un mineral cu ta haci e glandulan tiroidea



funciona corectamente. Ademas, e propiedadnan expectorante y mucolitico di avena, ta mehora e problemanan di tosamento y bronkitis.

Hasta, algun estudio ta señala cu e introduccion tempran di avena den mucha por reduci riesgo di asma.

5. Ta regula nivelnan di sucu

Betaglucanonan, ora cu e ta solubel den awa, ta forma un gel durante e digescion cu ta cubri e stoma bashi y e paso di e sucunan den sanger.

Esaki ta haci cu e avena ta yuda reduci e nivelnan di sucu den sanger y mehora e respuesta insulinico.

Avena ta wordo considera especialmente util den casonan di diabetes tipo 2.

E miho alternativanan pa consumi avena

Ya sea den preparacionnan dushi of salo, aventa ta un excelente ingrediente cu nos por incorpora den un gran variedad di receta.

Avena ta un cereal hopi versatil cu nos por uza no solamente den preparacionnan dushi, sino tambe den platonan salo.

Por ehempel, ta rebosa hamburger of pa forma un casca crunchi riba carni. Algun di e miho alternativanan pa consumi'e ta:

• Hunto cu frutanan seco manera un muesli

Suiso, cu ta permitibo probecha miho di su mineral y vitaminan, pasobra acido di e fruta ta faborece su absorcion den nos curpa.

• Pa logra cosnan dushi saludabel manera por ehempel, truffles di avena y chuculati of baritanan di avena y almendra cu por wordo reemplasa perfectamente cos dushinan comercial.

• Como reemplazo di pan raspa como parti di un hamburger of pa empana carni, pisca y vegetal, loke ta permiti suma hopi fibra na e recetan.

Aunke ta existi duda riba si un cereal ta apto pa celiaco, kendenan no tin intolerancia na gluten, por beneficia grandemente di su inclusion den e dieta habitual.

Y abo, bo ta come avena cu frecuencia?



FORTALEZA PA FAMILIA

Scirbi pa Pastor Marcel Balootje.

TA DIOS MES TA DICIDI, CU TUR COS LO SALI NA CLA

Ay di esnan cu ta pensa cu nan por tira piedra sconde man y haci cosnan scondi y kere cu nunca e lo sali na cla, pasobra e palabra di Dios, ta primiti tur hende lo siguiente:

Pasobra no tin nada scondi, cu lo no wordo revela, ni nada secreto cu lo no bira conoci y sali na cla.(Lucas 8:17).

No tin nada tapa cu lo no wordo revela,y nada scondi cu hende lo no haña sa. Pesey tur loke boso papia , den scuridad lo wordo

tendi den claridad,y loke boso papia keto, keto den e cambernan mas paden, lo wordo proclama for di riba dak.

No ta existi crimen perfecto , ni maldad y imoralidad cu Dios Todopoderoso lo no saca na cla. Tur esnan cu ta tuma malo haci bon, of ta coopera cu inhusticia y inmoralidad, lo sali na cla pa asina nan duna cuenta na Dios.

Pesey no sigi huzga prome cu tempo, ma warda te ora Señor bin. Kende lo trece

na cla e cosnan scondi den scuridad, y descubri e intencionnan di curason di hende y e ora ey cada hende lo ricibi su elogio for di Dios.(1 Corintionan 4:5).

For di scuridad E ta revela misterionan, y ta trece scuridad profundo na lus. (Job 12:22) E ta kita inteligencia for di cabesantenan di e pueblonan di tera, y ta haci nan cana dwal den un lugar desola, unda no tin caminda.(Job 12:24).

Dios nunca por ricibi sorpresa di hende, ta hende lo ricibi sorpresa di Dios, hende nunca por gaña of haci bofon di Dios, pasobra tur locual hende sembra nan lo cosecha. (Galationan 6:7).

Pesey sin ningun clase di miedo , duda, of manipulacion nos mester pone nos hubentud bon na altura di e palabra di Dios, pasobra e tempo di cos di mucha mal cria, cos di baldadi, of chansa barata a bay for di moda, locual tabata wordo tolera un tempo, awor no ta wordo tolera mas, tur cos tin su consecuencia tardi of tempran.

Serca Dios tin sabiduria y poder, consejo y comprendemento ta pertenece na Dios. Mira E ta basha abao, y esey no por wordo

lanta mas, E ta cohe hende preso, y no por tin liberacion pe.(Job 12:13-14).

Ta solamente Dios por libra nos di e tempo trabahoso den cual nos ta biba, ta solamente cu obediencia na Dios nos lo tin victoria.

Esun cu bisa mi: Mi conoc'E y no ta warda su mandamentonan, ta un gañado y e berdad no ta den dje,ma esun cu warda Su palabra , den dje e amor di Dios a wordo perfeciona berdaderamente. (1 Juan 2:4-5)

Pasobra no tin nada scondi cu lo no wordo revela, ni nada no a keda teni secreto, cu lo no sali na cla. Si un hende tin horea pa tende, lage tende.(Marco 4:22).

Sabiduria di Dios ta riba

tur cos , pesey si un hende tin mester di sabiduria lage pidi Dios, Kende ta duna na tur hende generosamente y sin reproche.

Pasobra locual hende ta yama sabiduria di mundo, ta contene tur sorto di maldad, envidia,y falsedad,

Den tur cos nos mester realisa cu Dios, ta Soberano, y cuanto cu hende por pensa cu nan por laga Dios afo for di nan asunto, pasobra nan ta bon na altura cu Dios no ta di acuerdo cu nada cu ta contene impuresa. Dios lo tene nan responsabel, pasobra Dios no ta chansa.

Laga nos tur ta fiel na Dios, y aparta for di maldad.

Sinceramente, Pastor Marcel Balootje.

ORACION DI DIA

Un siman bendiciona y cu Dios brasa boso cu Su misericordia

E ora ey Maria a contesta: 'Ata sirbido di Señor; laga sosode cu mi loke bo a bisa.'

Lucas 1-38

Den prome instante Maria a spanta ora Angel Gabriel a aparece cerca dje. Despues cu angel Gabriel a anuncia na Maria e mensahe di Dios, Maria no a duda pa duna su contesta. Ata sirbido di Señor, laga sosode cu mi loke bo a bisa. Ora nos tambe haya mensahenan na momento cu nos ta discerni pa sa kico Dios kier di nos, nos tambe tin di haci manera Maria. Nos tin di entrega nos mes completamente na Dios Su boluntad pa cu nos. Nos no tin di tene miedo pa loke cu por pasa cu nos door di sigui Dios Su mensahe na nos.

Nos tin di corda cu e anunciacion di Hesus Su nacemento ta nifica Dios cu nos,'Emanuel'. Dios lo ta semper hunto cu nos pa medio di Cristo Hesus, den cualke situacion cu nos por ta pasando, laga nos corda riba e mensahe aki y tambe riba Mama Maria cu a sigui loke Dios a pidi'e pa haci. Dios lo keda semper fiel na Su Palabra y aliansa.

Oracion: Dios Tata, pa medio di e anuncio di Cristo Hesus Su nacemento Bo a duna nos e mensahe cu semper lo Bo ta hunto cu nos. Nos ta pidi Bo pa keda semper hunto cu nos pa medio di Spirito Santo. Amen.



PRONOSTICO DI TEMPO

TEMPO VALIDO TE DIAMARS 09 DI APRIL 2024, 18:00 ORA

TEMPO:

AWE TARDI Y AWE NOCHI: PARCIALMENTE NUBLA

Y GENERALMENTE SECO

DEN MARDUGA Y MAYAN: PARCIAMENTE NUBLA CU UN

POSIBEL AWACERO PASAJERO

TEMPERATURA MAXIMO 32 GRADO CELSIUS

TEMPERATURA MINIMO 27 GRADO CELSIUS

INDICE DI CALOR (HEAT INDEX) DEN Y ROND

DI ORANAN DI MERDIA: 33 PA 38 GRADO CELSIUS

UV INDEX: 12

AVISO/ ALERTA:

TA SUGERI OCUPANTENAN DI BOTO CHIKITO PA BAI

CU CAUTELA NA PARTINAN OOST TE NOORDWEST

DI COSTA.

PRONOSTICO DI TEMPO PA PROXIMO 3 DIANAN:

PARCIALMENTE NUBLA SIN AWACERO DI IMPORTANCIA.

BIENTO LO TA MODERA TE BASTA FUERTE FOR DI

DIRECCION OOST; FUERTE TE DURO DEN RAFAGA.

TEMPERATURA (GRADO CELSIUS) MAX / MIN LO TA: 32 / 27